

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10) i člana 24. stav (2) Zakona o osnivanju Javne ustanove Institut za zdravlje i sigurnost hrane Zenica („Službene novine Zeničko-dobojskog kantona“, broj: 5/15 i 10/18), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 161. sjednici, održanoj dana 20.09.2018. godine, d o n o s i

ZAKLJUČAK
o davanju saglasnosti na Odluku o izmjenama i dopunama Statuta
Javne ustanove Institut za zdravlje i sigurnost hrane Zenica

I.

Daje se saglasnost na Odluku o izmjenama i dopunama Statuta Javne ustanove Institut za zdravlje i sigurnost hrane Zenica broj: 02-1851/18 od 20.08.2018. godine.

II.

Odluka o izmjenama i dopunama Statuta Javne ustanove Institut za zdravlje i sigurnost hrane Zenica iz tačke I. ovog Zaključka bit će objavljena u „Službenim novinama Zeničko-dobojskog kantona“.

II.

Zaključak stupa na snagu danom donošenja.

Broj: 02-01-14384/18.

Datum, 20.09.2018.godine.

Z e n i c a

PREMIJER

Miralem Galijašević

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Javna ustanova Institut za zdravlje i

sigurnost hrane Zenica (putem Ministarstva),

1x „Službene novine Zeničko-dobojskog kantona“,

1x a/a.

Na osnovu člana 24. Zakona o osnivanju Javne ustanove Institut za zdravlje i sigurnost hrane Zenica („Službene novine Zeničko-dobojskog kantona“ broj: 5/15 i 10/18), te člana 77. Statuta JU Institut za zdravlje i sigurnost hrane Zenica broj 02-529/15 od 04.12.2015. godine, Upravni odbor JU Institut za zdravlje i sigurnost hrane Zenica, na 24. sjednici, održanoj 20.08.2018. godine, donosi

**STATUT
O IZMJENAMA I DOPUNAMA STATUTA
JAVNE USTANOVE INSTITUT ZA ZDRAVLJE I SIGURNOST HRANE
ZENICA**

Član 1.

Mijenja se Statut Javne ustanove Institut za zdravlje i sigurnost hrane Zenica broj 02-529/15 od 04.12.2015. godine (u daljem tekstu: Statut) i to u članu 4. na način da se iza teksta : «Zakonom o veterinarstvu („Službene novine Federacije BiH“, broj: 46/00), dodaje tekst: «Zakonom o zaštiti zdravlja bilja („Službeni glasnik BiH“, broj: 23/03) i Zakonom o fitofarmaceutskim sredstvima Bosne i Hercegovine („Službeni glasnik BiH“, broj: 49/04)“.

Član 2.

U članu 12. Statuta na kraju teksta umjesto tačke stavlja se zarez i dodaje tekst “kao i djelatnosti zaštite zdravlja bilja.”

Član 3.

U članu 13. iza stava (2) dodaje se novi stav (3) koji glasi:
“ Djelatnost Instituta iz oblasti zaštite zdravlja bilja uključuje obavljanje sljedećih poslova:

1. identifikacija rezidua pesticida i drugih štetnih materija u i na biljkama koje se koriste za ishranu ljudi i/ili životinja,
2. identifikaciji teških metala i drugih nedozvoljenih materija u i na biljkama koje služe za ishranu ljudi i/ili životinja,
3. praćenje koncentracije alergena u okolišu te davanje preporuka građanstvu u saradnji sa javnim zdravstvom,
4. izdavanje upozorenja i sprečavanje širenja štetnih organizama putem savjeta i uputstava za upotrebu proizvoda za zaštitu bilja i putem obavješćavanja javnosti i relevantnih službi,
5. vršenje specijalnih laboratorijskih testova bilja, biljnih proizvoda i objekata u svrhu dijagnosticiranja štetnih organizama,
6. pružanje stručnog mišljenja poljoprivrednim proizvođačima u vezi sa zdravljem bilja,
7. vršenje istraživačkih i razvojnih aktivnosti u oblasti zaštite bilja,
8. vršenje dezinfekcije, dezinsekcije, deratizacije i dekontaminacije radi zaštite zdravlja bilja,
9. vršenje i drugih poslova koji imaju za cilj unapređenje i zaštitu zdravlja bilja, a sa svrhom zaštite zdravlja ljudi i životinja koji te biljke konzumiraju.”

Dosadašnji stav (3) postaje stav (4).

U dosadašnjem stavu (3) riječi „(1) i (2)“ zamjenjuje se riječima „(1), (2) i (3)“.

U dosadašnjem stavu (3) iza tačke 2) dodaje se nova tačka: „3) Implementacija projekata iz oblasti ruralnog razvoja“, a dosadašnje tačke 3) do 9) postaju 4) do 10).

Član 4.

U članu 16. stav (1) Statuta iza riječi „veterinarstva“ dodaje se tekst „i zaštita zdravlja bilja“, a stav (2) mijenja se i glasi:

„Djelatnost Instituta obavlja se kroz organizacijske jedinice i to na takav način da u osnovnoj organizacionoj strukturi funkcionišu organizacione jedinice i to:

- a) Zavod za javno zdravstvo,
- b) Veterinarski zavod,
- c) Zavod za zaštitu zdravlja bilja,

dok se kroz ostale organizacione jedinice mogu objediniti sve djelatnosti koje su zajedničke, opće, administrativne, tehničke, pomoćne i slično.“

Član 5.

Član 32. stav 1. se mijenja i isti glasi:

„Direktora imenuje Upravni odbor Instituta, putem javnog konkursa, na period od četiri (4) godine, sa mogućnošću reizbora, ali najviše za još jedan mandatni period.“

Član 6.

U članu 33. stav 1. alineja 4. se mijenja i glasi:

- „za doktore medicine: da posjeduje znanje iz zdravstvenog menadžmenta saglasno propisima; a za doktore veterine: da imaju znanje iz menadžmenta propisano za članove nadzornih odbora javnih preduzeća u F BiH.“

Član 7.

Statut o izmjenama i dopunama Statuta JU Institut za zdravlje i sigurnost hrane Zenica stupa na snagu narednog dana od dana dobijanja saglasnosti Vlade Zeničko-dobojskog kantona i bit će objavljen na oglasnoj ploči Instituta.

Broj: 02-1851 /18
Zenica, 20.08.2018. godine

PREDSJEDNIK UO-a

Berzad Vilašević, dipl. ing.

Na osnovu člana 24. stav 2. Zakona o osnivanju Javne ustanove Institut za zdravlje i sigurnost hrane Zenica, Vlada Zeničko-dobojskog kantona je dala saglasnost na ovaj Statut o izmjenama i dopunama Statuta, Odlukom broj: 02- /18 od _____.2018. godine.

OBRAZLOŽENJE

RAZLOZI ZA DONOŠENJE

Skupština Zeničko-dobojskog kantona je na 61. sjednici donijela Zakon o izmjenama i dopunama Zakona o osnivanju JU institut za zdravlje i sigurnost hrane Zenica. isti je objavljen u «Službenim novinama Zeničko-dobojskog kantona» broj 10/18 od 13.07.2018. godine i stupio je na snagu narednog dana od dana objavljivanja.

Shodno navedenom, pojavila se potreba da Upravni odbor Instituta donese Statut o izmjenama i dopunama Statuta Instituta za zdravlje i sigurnost hrane Zenica.

Pored izmjena koje su inicirane donošenjem Zakona o izmjenama i i dopunama Zakona o osnivanju JU institut za zdravlje i sigurnost hrane Zenica, pokazala se potreba i za još jednom izmjenom. Postojećom formulacijom u članu 33. Statuta, onemogućeno je doktorima veterine da ispune uslove propisane za mjesto direktora ustanova u dijelu koji se odnosi na znanje iz oblasti menadžmenta. Naime, postojećom formulacijom je određeno da i direktor mora, između ostalog, posjedovati znanje iz zdravstvenog menadžmenta saglasno propisima. Sticanje znanja iz zdravstvenog menadžmenta je propisano Zakonom o zdravstvenoj zaštiti i Pravilnikom o kontinuiranoj profesionalnoj edukaciji iz zdravstvenog menadžmenta. Članom 9. ovog Pravilnika je propisano da su uvjeti za podnošenje zahtjeva za zdravstvene radnike, zdravstvene saradnike i druge profesionalce zaposlene u zdravstvenom sistemu:

- završen fakultet zdravstvenog ili drugog usmjerenja, odnosno škola zdravstvenog ili drugog usmjerenja,
- položen stručni ispit u stručnom zvanju, samo za zdravstvene radnike,
- poznavanje engleskog jezika,
- posjedovanje radnog iskustva u trajanju od minimalno tri godine u zdravstvenom sektoru

Ovakva definicija uvjeta za kandidate za pohađanje treninga iz zdravstvenog menadžmenta automatski isključuje doktore veterine, obzirom da niko od njih ne može imati tri godine radnog iskustva u zdravstvenom sektoru.

Kako ne bi došlo do diskriminacije doktora veterine po pitanju mogućnosti konkurisanja na poziciju direktora Instituta, predloženo je da se za doktore veterine propiše obaveza posjedovanja sertifikata o završenom treningu iz menadžmenta propisan za članove nadzornih odbora javnih preduzeća u FBiH.

Taj trening je po sadržaju sličan treningu iz zdravstvenog menadžmenta i daje kandidatu za direktora dovoljno znanja i vještina iz oblasti menadžmenta, a istovremeno predstavlja državnim propisom propisanu edukaciju iz menadžmenta.

Na ovaj način se omogućava i doktorima veterine da ispune uslove i imaju mogućnost kandidovanja za poziciju direktora Instituta.

PRAVNI OSNOV

Donošenje Statuta je propisano članom 24. Zakona o osnivanju JU Institut za zdravlje i sigurnost hrane Zenica, a njegove izmjene i dopune članom 56. 77. i 78. Statuta Instituta.

Postupak izmjena i dopuna Statuta provodi se na način i u postupku propisanom za donošenje Statuta. To je propisano članom 77. Statuta broj 02-529/15 od 04.12.2015. godine. Nadležnosti Upravnog odbora za donošenje Izmjena sadržano je u članu 26. Statuta Instituta. Izmjene i dopune Statuta se mogu usvojiti na sjednici Upravnog odbora većinom glasova članova Upravnog odbora. Statut o izmjenama i dopunama Statuta podliježu saglasnosti Vlade Zeničko-dobojskog kantona, nakon čega Statut stupa na snagu.

OBRAZLOŽENJE PRAVNIH RJEŠENJA

U članu 4. proširuje se zakonski okvir obavljanja djelatnosti Instituta i to u skladu sa Zakonom o zaštiti zdravlja bilja („Službeni glasnik BiH“, broj: 23/03) i Zakonom o fitofarmaceutskim sredstvima Bosne i Hercegovine („Službeni glasnik BiH“, broj: 49/04).

U članu 12. se djelatnost Instituta proširuje i na djelatnost iz oblasti zaštite zdravlja bilja.

U članu 13. dodaje se stav (3) koji bliže definiše djelatnost Instituta iz oblasti zaštite zdravlja bilja uključuje obavljanje sljedećih poslova:

- a) identifikacija rezidua pesticida i drugih štetnih materija u i na biljkama koje se koriste za ishranu ljudi i/ili životinja,
- b) identifikaciji teških metala i drugih nedozvoljenih materija u i na biljkama koje služe za ishranu ljudi i/ili životinja,
- c) praćenje koncentracije alergena u okolišu te davanje preporuka građanstvu u saradnji sa javnim zdravstvom,
- d) izdavanje upozorenja i sprečavanje širenja štetnih organizama putem savjeta i uputstava za upotrebu proizvoda za zaštitu bilja i putem obavještanja javnosti i relevantnih službi,
- e) vršenje specijalnih laboratorijskih testova bilja, biljnih proizvoda i objekata u svrhu dijagnosticiranja štetnih organizama,
- f) pružanje stručnog mišljenja poljoprivrednim proizvođačima u vezi sa zdravljem bilja,
- g) vršenje istraživačkih i razvojnih aktivnosti u oblasti zaštite bilja,
- h) vršenje dezinfekcije, dezinsekcije, deratizacije i dekontaminacije radi zaštite zdravlja bilja,
- i) vršenje i drugih poslova koji imaju za cilj unapređenje i zaštitu zdravlja bilja, a sa svrhom zaštite zdravlja ljudi i životinja koji te biljke konzumiraju.

U istom članu u stavu (4) iza tačke b) dodaje se nova tačka c) Implementacija projekata iz oblasti ruralnog razvoja

U članu 16. definišu se organizacione jedinice Instituta i to na takav način da u osnovnoj organizacionoj strukturi funkcionišu organizacione jedinice i to:

- d) Zavod za javno zdravstvo,
- e) Veterinarski zavod,
- f) Zavod za zaštitu zdravlja bilja,

dok se kroz ostale organizacione jedinice mogu objediniti sve djelatnosti koje su zajedničke, opće, administrativne, tehničke, pomoćne i sl.

U članu 33. definisani su uvjeti koje mora ispunjavati lice koje može biti imenovano za direktora Instituta, te se posebno definišu uvjeti u pogledu znanja iz menadžmenta i to:

- za doktore medicine: da posjeduje znanje iz zdravstvenog menadžmenta saglasno propisima; a za doktore veterine: da imaju znanje iz menadžmenta propisano za članove nadzornih odbora javnih preduzeća u FBiH.

FINANSIJSKA SREDSTVA

Za realizaciju predloženih izmjena i dopuna potrebna su dodatna sredstva Instituta, koja su predviđena Planom poslovanja, kao i sredstvima Budžeta Zeničko-dobojskog kantona koja se osiguravaju preko transfera Ministarstva za poljoprivredu, vodoprivredu i šumarstvo.